



Broj: 04/MK/16-60-1/11
Sarajevo, 02.12.2011. godine

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO**

n/r Sekretara, gosp. Abid Kolašinac

Veza vaš akt: 01-05-29000/11 od 18.11.2011. godine

**Predmet: Prijedlozi i mišljenja Privredne komore Kantona Sarajevo
za PROGRAM RADA Skupštine Kantona Sarajevo za 2012.godinu**

Poštovani,

Inicijativu članova Skupštine Kantona Sarajevo da se u Program rada Skupštine Kantona za 2012.godinu uvrste prijedlozi i mišljenja jednog od ključnih sektora Kantona - poslovnog sektora, Komora pozdravlja i cijeni napore organa vlasti u Kantonu da kreira Program rada prilagođen aktuelnim zbivanjima i problematici.

To je posebno značajno sa aspekta privredne problematike jer je domaća privreda već jako isprpljena trogodišnjim naporima da se održi i lakše prevaziđe probleme i izazove koje je sa sobom donijela svjetska ekonomska kriza i privredna recesija. Na kantonalni poslovni sektor, kao integralni dio, u svjetskim razmjerama, male bh privrede, prisutna globalna kriza, pojačana unutarpolitičkom situacijom u državi, već je ostavila duboke posljedice (gubitak tržišta, gašenje mnogih firmi i povećanje broja nezaposlenosti).

Indicije su da 2012.godina donosi novi val svjetske finansijske krize.

To upućuje na neophodnost jačeg partnerstva na relaciji: privreda-vlast, sa jednim ciljem-kreiranje takvog ambijenta za privredu koji će snažnije privući, kako strane investicije tako i domaće investitore. Kanton Sarajevo ima za to potencijale i kapacitete - od svog geopolitičkog položaja, dobre industrijske tradicije, institucionalnih i obrazovnih kapaciteta.

Međutim, nedostaju, pored poznate činjenice finansijska sredstava, i strateški dokumenti razvoja privrede (na sva tri nivo vlasti) koji su prilagođeni novim zahtjevima svjetske (krizne) ekonomije, zatim nedostaje stimulatívni pravni okvir koji bi otvorio nove mogućnosti za privredu—u segmentu osnivanja novih preduzeća, otvaranja novih radnih mjesta ili značajnije stimulirano reinvestiranje dobiti firmi i td. Nadalje, nema konsenzusa na vrlo značajnom pitanju harmonizacije fiskalne politike na koju kantonalne vlasti ne mogu direktno uticati ali mogu snažnim djelovanjem preko svojih predstavnika zahtjevati izmjene na tom polju i td.



71000 Sarajevo, La Benevolencija 8
Tel: (00 387 33) 250 100, 250 101, 250 196, Fax: (00 387 33) 250 137, 250 139
www.pkasa.com.ba, webmaster@pkasa.com.ba



Ukoliko se u narednom periodu ne pokrenu **radikalne mjere radi promjene privredne strukture u Kantonu**, i ne donese nova razvojna strategija, a u međuvremenu i paket lokalnih mjera za stumulisanje postojeće proizvodnje, privlačenje investicija za proizvodne djelatnosti i brže osnivanje novih privrednih društava čime će se brže otvarati nova radna mjesta, **Kanton Sarajevo će se suočiti sa još većim problemom obezbjeđenja budžetskih prihoda na jednoj strani, te vrlo izraženim socijalnim i nerješivim problemima, pa i teškim socijalnim udarima na drugoj strani.**

U skladu sa iznesenim potrebama poslovnog sektora, treba istaći da Privredna komora Kantona Sarajevo, redovno prati efekte i prisutnu problematiku prije svega svojih članova, ali i kompletne privrede u Kantonu Sarajevo, te predlaže konkretne mjere potpore, radi poboljšanja uvjeta privredjivanja i razvoja, posebno u vremenu djelovanja ekonomske recesije, **mišljenja smo da te kapacitete nadležna i izvršna vlast u Kantonu Sarajevo ne koristi i ne cijeni dovoljno.**

Na osnovu toga je Komora izvršila aktuelizaciju svog Integralnog programa mjera pomoći privrednim subjektima u vremenu recesije te dopunila sa mjerama-prijedlozima sadržanim u Bijeloj knjizi 2010/2011.

Uzimajući u obzir vrlo tešku situaciju u bh privredi, te prognoze pogoršanja u međunarodnom okruženju u narednoj godini, Privredna komora Kantona Sarajevo predlaže Skupština Kantona Sarajevo da u svom Programu rada za 2012. godinu planira sljedeće aktivnosti:

- 1. Skupština bi trebala jednom ili dva puta godišnje (nakon obračuna po završnim računima i nakon polugodišnjeg obračuna) razmatrati aktuelno stanje i prisutnu problematiku u privredi Kantona, te u interakciji sa poslovnim sektorom (privrednici, njihove asocijacije-komore) donositi adekvatne mjere za dinamiziranje privrednog rasta i povećanja stope zapošljavanja.**

Privredna komora Kantona Sarajevo će u saradnji sa Ministarstvom privrede Kantona Sarajevo izraditi **godišnje i polugodišnje analize poslovanja privrede Kantona Sarajevo** sa finansijskim efektima poslovanja i prijedlogom aktuelnih mjera potpore privredi.

- 2. Neophodno je donijeti novu Strategiju privrednog razvoja Kantona Sarajevo**, obzirom na katastrofalne posljedice neodgovarajuće razvojne politike u velikom dijelu poslijeratnog perioda po proizvodnju, izvoz i zaposlenost, našto su uticale i posljedice agresije, a u posljednje vrijeme i globalna finansijska i ekonomska kriza.

Zbog toga u Programu rada Skupštine Kantona Sarajevo za 2012 godinu neophodno je **planirati donošenje nove dugoročne i srednjoročne Strategije razvoja Kantona Sarajevo, gdje će akcenat biti na razvoju industrije i modernizaciji postojeće, te izgradnju nove industrijske infrastrukture neophodne za dinamiziranje industrijske proizvodnje u Kantonu Sarajevo (industrijske zone, tehnološki parkovi, poslovne zone, slobodne zone i dr.).**

- 3. Razvoj industrijske infrastrukture podrazumijeva, između ostalog, donošenje nove legislative kojom bi se regulisao rad industrijskih zona u Kantonu Sarajevo, oživljavanje postojećih industrijskih zona u Kantonu Sarajevo i otvaranje novih, kroz stimulativniju politiku poslovanja privrednih subjekata u industrijskim zonama.**
- 4. Propisima iz nadležnosti Kantona, donijeti nove podsticajne mjere kojima bi se značajnije stumulisalo privlačenje stranog i domaćeg kapitala, sa posebnim mjerama stimulacije investiranja u realni sektor Kantona.** (smanjenje cijene infrastrukturno opremljenog zemljišta, umanjeње cijene zemljišta za proizvodne djelatnosti, posebno onih koje

će u roku od jedne godine izgraditi kapacitete i staviti ih u funkciju, umanjeње komunalnog doprinosa za proizvodne djelatnosti, umanjeње komunalne naknade u prvoj godini 100%. U drugoj 75% i u trećoj 50%).

5. **Putem predstavnika Kantona u Parlamentu Federacije BiH, insistirati na donošenju fiskalnih povlastica za novoosnovane privredne subjekte**, posebno u sektoru prerađivačke industrije, a sve sa ciljem stimulanja novog zapošljavanja.
6. U cilju donošenja što kvalitetnijih propisa u postupku njihove izrade obezbjediti šire konsultacije kroz javne rasprave.
Zbog toga neophodno je donijeti Pravila za konsultacije u izradi pravnih propisa na nivou Kantona Sarajevo kao što je to regulisano na nivou države Jedinštvem pravilima za konsultacije u izradi pravnih propisa.

Cijeneći dosadašnju saradnju Komore sa organima vlasti Kantona Sarajevo, nadamo se da će inicijative i sugestije Komore naći mjesto u Programu rada Skuštine za 2012. godinu, te da ćemo na temelju dobrih partnerskih odnosa kreirati ugodniji ambijent za poslovanje privrede i pružiti veće šanse za domaći i ulazak stranog kapitala na područje Kantona i šire.

S poštovanjem,

PREDSJEDNIK

Kemal Grebo, dipl.oec.